


日本漢文學百家集

424

王焱 編



北京燕山出版社



王焱 主編

日本漢文學百家集
424



北京燕山出版社

第四二四册

本朝續文粹 卷七至卷十三 大治四年

.....
—

續
文
粹

七
八

本朝續文粹卷第七

書狀

敦光朝臣鳥羽院奉答天皇請罷尊號書一首

仁覺僧正報高却使頭曾周意書一首

明衡朝臣書狀二首

江大府卿被奏祈雨御祈書一首

敦光朝臣申式部大輔辨書一首

施入狀

江大府卿內大臣施入鐘一口金峯山狀一首

明衡朝臣春宮大夫家施入香爐貳口於天梯
神狀一首

明衡朝臣某人施入金銅火舍於天台山法華
堂狀一首

敦光朝臣雅定卿施入釜一口於醍醐山狀一
首

敦基朝臣奉上劍一腰於上野拔鋒社狀一首

鳥羽院奉荅天皇請罷尊號仙院御報書

敦光朝臣

先命重至，謙拒彌深。夫亢龍之誠，易象垂文，頻據冲
挹之旨，請罷上皇之名。今披尺牘，之無許，更有寸心
之不移。彼唐堯之遊汾陽也，未聞稱謂之舊典。劉焯
之歸豐邑也，始傳太上之新儀。縱雖聞夾代之勝躅，
寧忝尊號於微躬。方今乾坤屢呈變動，之異州縣不
休虛耗之愁。非帝厄會之可惶，魚傷凋殘之難救。况
乎翫林泉於洛外之地，尋煙嵐於壺中之天。閑適者

養生之樂也何必收雲稼於民煙仁義者却邪之兵
也何必禪霜伏於仙洞然則封尸之祖早停耒貢期
門之士莫分巖威

保延三年七月廿二日

大宋國商劫使頭曾周意返狀

敦光朝臣

書札一函披而閱之想漢土台嶽之遺塵仰日域
峯之靈岵雖為旅客於一涯定有良緣於二世同聲
相應不亦悅乎小僧謬以愚蒙忝守師跡荆溪寂寥

之地世事都捐松戶幽邃之棲方物安納三衣素所
在什物不外求所贈土宜須以迴却然而忠已重禮
從宜難忤雅懷愁以收領抑著岸之後久勞羈心秋
風悵望馳思而已沙金 兩聊充報酬盍表其好也
教命之旨大概如斯以狀

大治三年八月日

權律師法橋上人位

曾使頭旅亭

所給二翼殊動寸心書窓雖知聚螢之業文苑未遇
獲雉之歡今之嘉貺尤可珍重就中時屬艷陽夜當

庚申一兩才子會合爐邊相全閑談嘉賓之饌以之
可羞也又一枝櫻花已感肝葉是則朽木遇春之秋
也頓首謹言

三月廿七日

勘解由次官藤原明衡

請嚴命事

右對面相隔如胡與越慄鬱之深蒼海還淺柳花時
不居家好客之常事仍一日罷向白河之次令申事
由之處已無饗應依厭人被忘花林鶯野蝶空含其
恨芳蘭之契豈如此與藏人少將度度被招是小弓

事歟懸物何珍哉慕以物掾云云百發百中之藝雖
無其能於決雌雄何憚之有乎一日以的為皮御
和也明朝於右大將軍幕下可命佳遊之由源少納
言被來談也被擇射的之輩云云左新少將四位少
將藤少納言源武衛藤李部權左中辨右馬頭源侍
從式部大夫左金吾校尉等也念人名五六輩也懸
物銀鞠云云盃盤之設前江州歟雲客之群遊今稱
故障可作絕交論之由左中將所被申也努力努力

莫羨閉戶先生
悚恐恐謹言

三月一日

重可被奏祈雨御祈事

江大府卿

災旱涉日天下殆欲焦爛猶傾玄冕減玉食盡曆誠
勤宸衷被行御祈而已昔殷湯責六事鄧后錄曰徒
未歸宮闕雨已滂沱文選曰剪爪不及膚蓋謂之歟
十夢經曰黑牛自四方來無成事而散佛說是將來
旱天時雖修法祈雨君若不致誠雲雖合雨不降之
象也其理可然歟

嘉承元年七月日

上啓兩箇所望事

一式部大輔闕事

右件官不慮之外忽有其闕以愚庸質自然為位階
第一儒士但當如此之道理且是天運之令然也雖
不可盡其理下膺儒士等旁致濫望云云仍所披鬱
望也式部大輔偏被用儒士之後不論才學之淺深
不謂本官之優劣只抽上膺所任來也今當其運其
理一也敦光六位之時任式部丞五位之後拜式部
少輔省底故實皆所知案內也此外大學頭文章博

士大內記皆是儒官之規模也各歷其官久竭忠勤
至于大輔之任何被棄置哉其理二也皇子皇女御
名御願寺御願文咒願文皆是儒宗之所勤仕也敦
光未至大輔以前年未頻致其勤何被用其藝不被
任其官哉其理三也諸道之人以蒙院仰為先而敦
光五品淺臈之時草進法勝寺百座咒願文之後連
連蒙仰所作獻御願文咒願文祭文告文勘文其數
不可勝計當時所在紀傳博士十七人也敦光之外
殘十六人雖當其才未蒙一度之仰作一紙之文全

無敵對事暗以可察其理四也立后之後八社奉幣
并鹿島奉幣告文者先例大內記所作也而上東門
院御時式部大輔匡衡朝臣作之准據彼例中宮立
后之時敦光所作獻也其後皇子御誕生之告文可
有感應之由深染松筆祈叢祠皇女御降誕之時百
座仁王會咒願文同載其由靈驗揭焉豈非文之感
乎中宮今度御塔供養御願文又致其勤了自餘之
儒誰有此功哉其理五也儒者之竄以讀書為先而
敦光所讀者周易左傳毛詩禮記論語孝經史記後

漢書文選等愷受說是以天下之貴賤受其訓衍者
濟濟焉其理六也儒者之業文章為宗敦光家風相
傳箕裘嗜業上始國主仙院下至緇素男女每日每
時所制作之文筆種種逼身須臾不休他人之功不
及十分之一其理七也省官之選專勤考課而敦光
殊奉綸言所問秀才六人也行成時登有業
資充賴業國能競望之
輩無問一人又評定文章生試詩七箇度也他人未
及其數其理八也然問如此之道理不可有相違之
由深存愚意之處或云敦光才學既淺文章惟踈行